



Broj: 10-02-45650/25

Datum, 30.09.2025. godine

Na osnovu člana 70. stav (1) i (2) Zakona o organizaciji organa uprave u Federaciji Bosne i Hercegovine („Službene novine Federacije BiH“, broj 35/05), člana 12. stav (2) tačka f). Odluke o preuzimanju prava i obaveza Osnivača i usklađivanju organizacije i poslovanja Javne ustanove Zavod za javno zdravstvo Kantona Sarajevo („Službene novine Kantona Sarajevo“, broj 7/12) kao i člana 65. stav (1) alineja 1. i 2. Javne ustanove Zavod za javno zdravstvo Kantona Sarajevo („Službene novine Kantona Sarajevo“ broj 49/13 i 21/22), Ministarstvo zdravstva Kantona Sarajevo, d o n o s i

ODLUKU

I

Daje se saglasnost na Pravilnik o izmjenama i dopunama Pravilnika o radu, unutrašnjoj organizaciji i sistematizaciji radnih mjesta, plaćama i naknadama Javne ustanove Zavod za javno zdravstvo Kantona Sarajevo broj: 05.10.82-8328-3/25 od 09.09.2025. godine.

II

Ova Odluka stupa na snagu danom donošenja.

Образложење

Ministarstvu zdravstva Kantona Sarajevo je od strane Javne ustanove Zavod za javno zdravstvo Kantona Sarajevo, dostavljen akt broj: 05.3.34-8328-dos./25 od 09.09.2025. godine, zaprimljen dana 11.09.2025 godine, na protokolu nadležnog ministarstva pod brojem: 10-02-45650/25, u prilogu kojeg je dostavljen prijedlog Pravilnika o izmjenama i dopunama Pravilnika o radu, unutrašnjoj organizaciji i sistematizaciji radnih mjesta, plaćama i naknadama Javne ustanove Zavod za javno zdravstvo Kantona Sarajevo broj: 05.10.82-8328-3/25 od 09.09.2025. godine, koji je Upravni odbor ustanove donio na sjednici održanoj 09.09.2025.godine, Odlukom broj: 05.1.17-8328-4 /25 od 09.09.2025. godine, a kojim se traži saglasnost ovog ministarstva na isti.

Ministarstvo zdravstva Kantona Sarajevo je razmotrilo dostavljeni prijedlog Pravilnika o izmjenama i dopunama Pravilnika o radu, unutrašnjoj organizaciji i sistematizaciji radnih mjesta, plaćama i naknadama Javne ustanove Zavod za javno zdravstvo Kantona Sarajevo, u kojem je obrazloženo da su razlozi za donošenje ovog pravilnika, usaglašavanje sa Kolektivnim ugovorom o pravima i obavezama poslodavaca i radnika u oblasti zdravstva za područje Kantona Sarajevo („Sl. novine KS“, broj: 25/25), Kolektivnim ugovorom o pravima i obavezama poslodavaca i radnika u



djelatnosti medicinskih sestara i tehničara i zdravstvenih tehničara svih profila i nivoa obrazovanja na teritoriji Kantona Sarajevo ("Sl. novine KS" broj: 25/25), Kolektivnim ugovorom o pravima i obavezama poslodavaca i radnika u području djelatnosti zdravstvene zaštite na području Kantona Sarajevo ("Sl. novine KS" broj: 25/25), i Odlukom Vlade FBiH, kako slijedi:

- U članu 8. stav (1) vrše se izmjene kako bi se utvrdilo trajanje probnog rada od šest mjeseci za sva radna mjesta;
- U članu 49. stav (1) i članu 49b stav (1) dodaje se pravo radnika na korištenje plaćenog odsustva za potrebe vakcinacije djece na 1 dan;
- U članu 80. vrši se usklađivanje najniže netto satnice u oblasti zdravstva od 3,74 KM;
- U članu 82. dodaje se stav (6) kako bi se najniža plaća radnika uskladila sa Odlukom Vlade FBiH i Kolektivnim ugovorom o pravima i obavezama poslodavaca i radnika u oblasti zdravstva za područje Kantona Sarajevo, Kolektivnom ugovorom o pravima i obavezama poslodavaca i radnika u djelatnosti medicinskih sestara i tehnicara i zdravstvenih tehnicara svih profila i nivoa obrazovanja na teritoriji Kantona Sarajevo i Kolektivnim ugovorom o pravima i obavezama poslodavaca i radnika u području djelatnosti zdravstvene zaštite na području Kantona Sarajevo;
- U član 88. vrše se izmjene u dijelu osnovne plaće radnika, naknada za prekovremeni rad u visini od: najmanje 25% od netto sastnice, noćni rad najmanje 65% od netto sastnice, rad na dan sedmičnog odmora najmanje 50 % od netto sastnice i rad u dane praznika najmanje 65% od netto sastnice;

U dijelu Priloga 1. akta Unutrašnje organizacije i sistematizacije radnih mjesta J.U. Zavod za javno zdravstvo Kantona Sarajevo, vrše se izmjene i dopune za radno mjesto, kako slijedi:

- Pod rednim brojem 68. za radno mjesto Diplomirani sanitarni inženjer na poslovima školske higijene u koloni naziv radnog mjesta mijenja se naziv te glasi: „Diplomirana medicinska sestra na poslovima školske higijene“, u koloni stručna sprema mijenja se stručna sprema te glasi: „VSS Fakultet zdravstvenih studija, Diplomirana medicinska sestra ili Bachelor zdravstvene njege i terapije (240 ETCS bodova), položen stručni ispit“ budući da prema opisu poslova navedeno radno mjesto može obavljati samo Diplomirana medicinska sestra;
- Pod rednim brojem 69. za radno mjesto Sanitarno-ekološki tehničar u timu na poslovima školske higijene u koloni naziv radnog mjesta mijenja se naziv radnog mjesta te glasi: „Zdravstveni tehničar na poslovima školske higijene“ budući da je predviđeno više smjerova za navedeno radno mjesto, u koloni stručna sprema dodaje se iza riječi SSS - smjer sanitarno ekološki tehničar riječi: „, ili medicinska sestra/tehničar“ budući da prema opisu poslova, poslove nevedenog radnog mjesta može obavljati i medicinska sestra/tehničar;
- Pod rednim brojem 86. za radno mjesto Zdravstveni tehničar u timu promocije zdravlja i zdravstvene edukacije u koloni stručna sprema briše se dio teksta odredbe "(Odlaskom u penziju ili prestankom radnog odnosa po nekom iz razloga utvrđenih Zakonom o radu, briše se viša medicinska sestra-tehničar)", budući da je i dalje za navedno radno mjesto potrebna ostaviti da bude propisano viša medicinska sestra-tehničar .
- Pod rednim brojem 98. za radno mjesto Rukovodilac Radne jedinice zajedničkih djelatnosti u koloni posebni uslovi dodaje se dio teksta koji glasi: „završena obuka za službenika za javne nabavke“, budući da je Zakonom o javnim nabavkama propisano da u određenim postupcima učestvuje najmanje jedan službenik za javne nabavke.
- Pod rednim brojem 101. za radno mjesto Stručni saradnik za odnose s javnošću, mijenja se djelokrug rada, u koloni stručna sprema te sada glasi: „VSS, Diplomirani žurnalista/novinar/komunikolog“, u koloni posebni uslovi rada dodaje se: " Vozački ispit B kategorije", budući da je potrebno jasno definisati opis poslova radnog mjesta te odgovarajuću stručnu sprema. Vozačka dozvola je neophodna obzirom da posao navedenog radnog mjesta zahtjeva i rad na terenu.



Ostale odredbe Pravilnika o radu, unutrašnjoj organizaciji i sistematizaciji radnih mjesta, plaćama i naknadama Javne ustanove Zavod za javno zdravstvo Kantona Sarajevo broj: 05.10.82-6260/22 od 04.10.2022. godine, na koji je Ministarstvo zdravstva Kantona Sarajevo dalo saglasnost, ostaju nepromjenjene.

Predmetni materijal je pripremljen i usklađen sa zakonskim i podzakonskim aktima koji reguliraju predmetnu materiju te se na isti može dati saglasnost.

Obzirom na naprijed navedeno, odlučeno je kao u dispozitivu ove odluke.

MINISTAR

Prim. r

vić

DOSTAVITI:

1. Upravni odbor J.U. Zavod za javno zdravstvo Kantona Sarajevo;
2. a/a.



Na osnovu člana 118. Zakona o radu („Službene novine Federacije BiH“, broj: 26/16, 89/18, 44/22 i 39/24) (u daljem tekstu: ZOR), Zakona o zaštiti na radu FBiH („Službene novine Federacije BiH“ broj: 79/20), Zakona o pravima branilaca i članova njihovih porodica („Službene novine Federacije BiH,“ br. 33/04, 56/05, 70/07, 9/10 i 90/17), Zakona o vijeću uposlenika („Službene novine Federacije BiH,“ broj: 328/04) Kolektivnog ugovora o pravima i obavezama poslodavaca i radnika u oblasti zdravstva za područje Kantona Sarajevo (u daljem tekstu: Kolektivni ugovor I) („Sl. novine KS“ broj 25/25), Kolektivnog ugovora o pravima i obavezama poslodavaca i radnika u djelatnosti medicinskih sestara i tehničara i zdravstvenih tehničara svih profila i nivoa obrazovanja na teritoriji Kantona Sarajevo („Sl. novine KS“ broj 25/25), Kolektivnog ugovor o pravima i obavezama poslodavaca i radnika u području djelatnosti zdravstvene zaštite na području Kantona Sarajevo (u daljem tekstu: Kolektivni ugovor III) („Sl. novine KS“ broj 25/25), člana 9. Zakona o plaćama i naknadama članova organa upravljanja i drugih organa, institucija Kantona Sarajevo, kantonalnih javnih preduzeća i javnih ustanova čiji je osnivač Kanton Sarajevo („Službene novine Kantona Sarajevo“, broj: 10/16), Uredbe o određivanju plaća i naknada organa upravljanja i drugih organa institucija Kantona Sarajevo, kantonalnih javnih preduzeća i javnih ustanova čiji je osnivač Kanton Sarajevo („Službene novine Kantona Sarajevo“ broj: 41/16 i 46/16- Ispravka, 5/17, 50/17 i 53/18, 42/20 -u daljem tekstu:Uredba), Uredbe o postupku prijema u radni odnos u javnom sektoru na teritoriji Kantona Sarajevo („Službene novine Kantona Sarajevo“ broj: 19/21, 10/22, 28/23 i 32/24) te člana 21. i 25. Statuta JU Zavod za javno zdravstvo Kantona Sarajevo („Službene novine Kantona Sarajevo“ br: 49/13, 21/22) (u daljem tekstu: Statut), a nakon konsultacija sa Sindikatom radnika u zdravstvu u Kantonu Sarajevo, Osnovna sindikalna organizacija J.U. Zavoda za javno zdravstvo Kantona Sarajevo, Sindikatom doktora medicine i stomatologije Kantona Sarajevo Podružnica-J.U. Zavod za javno zdravstvo Kanton Sarajevo te Strukovnim sindikatom medicinskih sestara i tehničara Kantona Sarajevo, Upravni odbor JU Zavod za javno zdravstvo Kantona Sarajevo (u daljem tekstu: Upravni odbor Zavoda), 13. redovnoj sjednici Upravnog odbora održanoj dana 09.09.2025. godine uz saglasnost Ministarstva zdravstva Kantona Sarajevo Odluka broj: 10-02-45650/25 od 30.09.2025., donosi:

**PRAVILNIK O IZMJENAMA I DOPUNAMA PRAVILNIKA O RADU
UNUTRAŠNJOJ ORGANIZACIJI I SISTEMATIZACIJI RADNIH MJESTA,
PLAĆAMA I NAKNADAMA RADNIKA**

Član 1.

Ovim Pravilnikom vrše se izmjene i dopune Pravilnika o radu unutrašnjoj organizaciji i sistematizaciji radnih mjesta, plaćama i naknadama radnika broj: 05.10.82-6260 /22 od 04.10.2022.godine.

Član 2.

U članu 8. stav 1. mijenja se te glasi:

- (1) Probni rad za sva radna mjesta utvrđena ovim Pravilnikom iznosi šest mjeseci.”

Član 3.

U članu 49. u stavu 1. dodaje se alineja pet te glasi:
“-za potrebe vakcinacije djeteta 1 dan“

Član 4.

U članu 49 a. u stavu 1. dodaje se alineja pet te glasi
“-za potrebe vakcinacije djeteta 1 dan“

Član 5.

U članu 49 b. u stavu 1. dodaje se alineja pet te glasi
“-za potrebe vakcinacije djeteta 1 dan“

Član 6.

Član 80. mijenja se i glasi:

“(1) Najniža neto satnica u oblasti zdravstva iznosi 3,74 KM.”

Član 7.

U članu 82. dodaje se stav 6. te glasi:

„Najniža plaća radnika ne može biti manja od iznosa najniže plaće utvrđene odlukom Vlade Federacije BiH. U slučaju da množenjem najniže neto plaće i pripadajućeg koeficijenta složenosti poslova koje radnik obavlja, osnovna plaća iznosi manje od najniže plaće utvrđene odlukom Vlade Federacije BiH, radniku će se isplatiti neto plaća u iznosu najniže plaće utvrđene odlukom Vlade Federacije BiH uvećana u skladu sa odredbama Kolektivnog ugovora.“

Član 8.

Član 88. mijenja se i glasi:

„(1) Osnovna plaća radnika uvećava se :

- a) prekovremeni rad najmanje 25% od neto satnice,
- b) noćni rad najmanje 65% od neto satnice,
- c) rad na dan sedmičnog odmora najmanje 50% od neto satnice,
- d) rad u dane praznika koji su po zakonu neradni najmanje 65% neto satnice.

(2) Naknade iz stava 1. ovog člana se međusobno ne isključuju, izuzev c) i d).”

Član 9.

U Prilogu I. Unutrašnja organizacija i sistematizacija radnih mjesta J.U. Zavod za javno zdravstvo Kantona Sarajevo mijenja se ili dodaje sljedeće:

Za radno mjesto od rednim brojem 68. Diplomirani sanitarni inženjer na poslovima školske higijene:

-u koloni naziv radnog mjesta mijenja se naziv te glasi: „Diplomirana medicinska sestra na poslovima školske higijene“

-u koloni stručna sprema mijenja se stručna sprema te glasi: „VSS Fakultet zdravstvenih studija, Diplomirana medicinska sestra ili Bachelor zdravstvene njege i terapije (240 ETCS bodova), položen stručni ispit“

Za radno mjesto od rednim brojem 69. Sanitarno-ekološki tehničar u timu na poslovima školske higijene:

-u koloni naziv radnog mjesta mijenja se naziv radnog mjesta te glasi: „Zdravstveni tehničar na poslovima školske higijene“

-u koloni stručna sprema dodaje se iza riječi SSS – smjer sanitarno ekološki tehničar riječi: „ ili medicinska sestra/tehničar“.

Za radno mjesto pod rednim brojem 86. Zdravstveni tehničar u timu promocije zdravlja i zdravstvene edukacije:

-u koloni stručna sprema briše se sljedeće:“ (Odlaskom u penziju ili prestankom radnog odnosa po nekom iz razloga utvrđenih Zakonom o radu, briše se viša medicinska sestra-tehničar)“

Za radno mjesto pod rednim brojem 98. Rukovodilac Radne jedinice zajedničkih djelatnosti :

-U koloni posebni uslovi dodaje se : „završena obuka za službenika za javne nabavke“

Za radno mjesto pod rednim brojem 101. Stručni saradnik za odnose s javnošću:

- U koloni djelokrug rada mijenja se djelokrug rada te glasi:“ Obavlja poslove koji se odnose na ostvarivanje javnosti rada Zavoda, te s tim u vezi utvrđuje strategiju Zavoda za odnos s javnošću: učestvuje u izradi projekata i programa za uspostavu i razvoj informacionog sistema kroz pripremu i ažuriranje informacije za WEB stranicu Zavoda, FB profil i druge socijalne mreže, pisanje vijesti, članaka i natpisa o radu Zavoda, priprema i izrada informativno propagandnih materijala, komunicira sa medijima, dostavlja izvještaje direktoru o pitanjima i temama bitnim za Zavod, uz saglasnost direktora predlaže radnike za intervju za stručni dio u medijima u skladu sa aktuelnim temama, svakodnevno za potrebe Direktora sačinjava dnevne izvode o objavljenim informacijama (PRESS CLIPING) koji se odnose na rad Zavoda i druga pitanja iz oblasti zdravstva; priprema potrebna saopštenja za javnost, odgovore u formi demanta; prikuplja, sređuje i obrađuje podatke iz određenih oblasti neophodne za izradu informacija namijenjenih javnosti o radu Zavoda, stanju u oblasti javnoga zdravlja u Kantonu, kao i mjerama koje se poduzimaju u ovoj oblasti; organizuje press konferencije, brifinge i omogućuje snimanje emisija u Zavodu, aktivno učestvuje u organizaciji simpozija, kongresa, škola, obuka i proslava, kao i u uređivanju, lektorisanju i prevođenju publikacija Zavoda. Sačinjava redovne izvještaje o radu u propisanim rokovima, a po potrebi i češće. Provodi procese koji su određeni sistemom upravljanja kvalitetom. Obavlja i druge poslove u Zavodu po nalogu neposrednoga Rukovodioca RJ i Direktora u skladu sa stepenom stručne spreme i zvanja. Obavezan je da se upozna sa svim važećim aktima Zavoda, da se pridržava svih propisa, akata i uputstava, te da ih u cjelosti provodi, za što je i odgovoran.“

-u koloni stručna sprema mijenja se stručna sprema te glasi: „VSS, Diplomirani žurnalista/novinar/komunikolog“

- u koloni posebni uslovi rada dodaje se:“ Vozački ispit B kategorije“


Član 10.

Ovaj Pravilnik stupa na snagu osmog dana od dana objavljivanja na oglasnoj tabli Poslodavca pod uslovom da Ministarstvo zdravstva Kantona Sarajevo da saglasnost na ovaj Pravilnik.

Broj: 05.10.82-8328- 3/25
Sarajevo, 09.09.2025. godine

PREDSJEDNIK UPRAVNOG ODBORA


Ermin Lendo, dr. stomatologije



IZMJENE I DOPUNE ZBIRNOG PRIKAZA RADNIH MJESTA

	Radno mjesto	Stručna sprema	Broj izvršilaca po sistematizaciji
68	Diplomirana medicinska sestra na poslovima školske higijene	VSS Fakultet zdravstvenih studija, Diplomirana medicinska sestra ili Bachelor zdravstvene njege i terapije (240 ETCS bodova), položen stručni ispit“	2
69	Zdravstveni tehničar na poslovima školske higijene	SSS-smjer sanitarno ekološki tehničar ili medicinska sestra/tehničar, položen stručni ispit	2
86	Zdravstveni tehničar u timu promocije zdravlja i zdravstvene edukacije	VSS Fakultet zdravstvenih studija, Diplomirani sanitarni inženjer ili Diplomirana med.sestra ili Bachelor navedenih struka(240ETCS bodova)položen stručni ispit ili VŠS Viša medicinska škola ,Viša medicinska sestra-tehničar	1
101	Stručni saradnik za odnose sa javnošću	VSS diplomirani žurnalista, novinar, komunikolog	1

PREDSJEDNIK UPRAVNOG ODBORA



 logije

J.U. ZAVOD ZA JAVNO
ZDRAVSTVO KANTONA

SARAJEVO



P.I. INSTITUTE FOR PUBLIC
HEALTH OF CANTON

SARAJEVO

Broj : 05.15.123-9366/25
Sarajevo, 09.10.2025. godine.

SLUŽBENA ZABILJEŠKA

Dana 09.10.2025. godine na oglasnoj ploči Zavoda, objavljen je Pravilnik o izmjenama i dopunama Pravilnika o radu, unutrašnjoj organizaciji i sistematizaciji radnih mjesta, plaćama i naknadama radnika broj: 05.10.82-8328-3/25 od 09.09.2025. godine .

Pravilnik o izmjenama i dopunama Pravilnika o radu, unutrašnjoj organizaciji i sistematizaciji radnih mjesta, plaćama i naknadama radnika broj: 05.10.82-8328-3/25 od 09.09.2025. godine. stupa na snagu osmog dana od dana objavljivanja na oglasnoj ploči poslodavca.

DIREKTOR




Adresa: dr. Mustafe Pintola br.1, 71210 Ilidža
Tel: 627-889; Fax: 622-227
web: <http://www.zzjzks.ba>
e-mail: info@zzjzks.ba



